



aamma

Plastic Not So Fantastic

NUNATSINNI PLASTIKKIP AJORNARTORSIUTAANERA PILLUGU EQQARTUINEQ, PLASTIC NOT SO FANTASTIC WORKSHOP

Januarip 25-ani 2020 Inuit Issittormiut Siunnersuisoqatigiiffiat (ICC) aamma suliniaqatigiiffinnguaq Plastic Not So Fantastic suleqatigiillutik nunatsinni plastikkip ajornartorsiutaanera pillugu innuttaasunik ataatsimiititsimmata angusat ataani atuarneqarsinnaapput.

Ataatsimiititsinerup siunertaraa nunatsinni pisortat plastikkimik ajornartorsiuteqarnerup annikkillisarnissaannik suliniuteqalernerat nuannaralugu innuttaasunit kissaatigisat ersarissarnissaat.

Naalakkersuisut Inatsisartullu upernaakkut 2020 ataatsimiinnissaannut pilersaarusiamik periusissiamillu saqqummiussisussaapput. Neriutigaarput ataatsimiinnermi uani saqqummiunneqartut Inatsisartut oqallinnissaannut ilapittuutaajumaartut.

Ulluinnarni atuineq - Hverdagsbrug af plastik

(Naasuusat ilisinermi pisiarisartakkat) – Naneruutit

Ukiorpasuarini ilisinermit atatillugu nunatsinni inoqarfinni tamani naasuusat plastikkimik atorneqartorujussuupput, sivisuumik uningatillutik qalipaataajartarput kusanaallisinnaasarlutik, sivisuumik uningasarimata anorumillu teqqaasarlutik mingutsitsinertut nalilernerqarsinnaapput. Eqqartuinnermi taaneqarpoq naasuusat asiullutik nungussinnaasut pilersinneqarsinnaannginersut, pinngortitamut ulorianaateqanngitsut. Naneruutit salami atugassiat misissoqqineqarsinnaapput, naneruutitavii kimittummata, taamaasillutillu CO₂-mik aniatitsisinnaasorujussuullutik (taamaannersut uppernarsiniassapput). Naneruutit puui aamma plastikkiupput.

- Suliffeqarfinni annertugami, poortuutissat, eqqiaaneq

Suliffeqarfippassuit immaqaluunniit oqaraanni tamarmik sunilluunniit poortuiniaraangamik plastikkimik imullugit poortoqqinneqartarput, assartoruminnissaat siunertaallunilu piimasagaataammat, nassiussassat annertuut aamma plastikkimik poortoqqinneqartarput, soorlu containerinut inissinniaraanni sisunaveeqquullugit pooqqinneqartarlutik. Maluginiarnarpoq timmisartumut ilaassatilluni inikillisaanermut atatillugu, soorlu barnevognit, cykelit il.il plastikimik imusanik poortorneqartarput assartoruminnerummata. Suliffeqarfippassuillumi ileqqorilersimavaat suna qanoq pissagaluarpat plastikki

atorneqartartoq, (ileqquliussaq)

- Angerlarsimaffimmi atuisuutitaalluta, nerisassat puui

Angerlarsimaffimmi atuineq aamma ileqquliussaannaavoq, inuit sungiusimalersimavaat plastikki ajornangitsuaqqamik atortarlugu, angerlarsimaffimmi atortorpassuit plastikkimik sanaajupput, taakkulu sungiusimaannalernikuuagut, soorlu iggavimmi atortorpassuit plastikkimik sanaajupput, (nutaanngiliartornerat ilutigalugu mingutsitsisinnaanersut misissorneqarsinnaavoq). Ukiuni kingullerni paasineqaraluttuinnarpoq malinnaaffigineqarluarlunilu meeqqanut pinngualiat plastikimik sanaajusut inuup timaata sananeqaataanut mingutsitsisinnaasut, ilaatigullu kræfteqalissutaasinnaasutut nalilerneqarsinnaallutik, qaammatini kingullerni nutaarsiassaqaatitsivippassuit paasivaat meeqqanut pinngualiat Kina-mi sanaajusut ulorianarsinnaasut. Taamaaliortoqartillugu pisiassaajunnaaqqullugit inassutigineqartarpoq. Taamaattoq plastikimik sanaajusut ulorianaateqarnersut misileqqaarnagu angerlarsimaffimmi atorneqakkajuppoq. Nerisassat poorpassui assigiinngitsorpassuit plastikimik sanaajugajupput, plastikkimattusuut aqitsullu atorneqartorujussuupput, maluginiartariaqarporlu plastikkimik aqinnerit, soorlu film, atorunnaaraangata igiinnarneqartartut, mingutsitsinertullu nalilerneqarsinnaallutik, taamaaqaanillu staniol aamma angerlarsimaffimmi atorneqartorujussuaq aamma igiinnarneqartarpoq. Plastikimik nerisassanut toqqorsivittut atorneqartarnerat aamma nalinginnaasorujussuuvoq, nalaanneqartarporlu nerisassat plastikimik puukkat asiujasartut. Kalaallit Nunaanni ileqqulersimavoq piniakkat oqqunneqartussat aamma plastikimik poortugaasartut, nalaanneqarsinnaavorlu piniagaq sunaluunniit plastikkimik uninngatinneqaraangat asiulersartoq, bakterianilluni, nerisallugulu ulorianarsinnaasarluni. Plastik innuttaasut akornanni oqinneriugaralugu, ileqqulersimaavormi plastik atorneqartarnera.

- Poortuisarneq qimallugu, pappiaqqanik poorlugit, slagterit

(Qulequtaq siunnersuutaavoq) Plastik atorunnaarnerullugu allatut ileqqoqalernissaq siunnersuutaavoq, plastik qanga atorneqartanngikkallarmat, pappialanik atuisoqartarpoq, oqallinnermilu tamanna uterteqqinneqarsinnaasoq isumaqartoqarpoq, plastik sunut tamanut atorpallaarnagu pappialat allalluunniit poortuinnermut atorneqarsinnaasariaqarput. Erseqqissarneqarpoq, plastic qanga atugaanngikkallarmat, atugassarititaasut maannakkut utoqqasaanngortunit ileqqorineqarsimasut uterteqqinneqakutsoorsinnaasut. Pingaartilluguttaaq eqqartorneqarpoq pisiniarfinni tamani ingammik neqaarniarfinni, plastic atorlugu niuertitsiniartarneq atorunnaarsinneqareersinnaasoq, soorlu neqinit tunisassiat pisiassat plastikkimut poorneqartannginnissaat. Qanga platistikkeqanngikkallarmat, oqimaassutimik uuttortaalluni nioqqutissanik tuniniaasoqartalersinnaasoq, soorlu sioraasat, qajuusat, qaqorteqqasut il.il. uuttortarlugit pisiniaq nammineq puussaminik nassarluni pisiniartalersinnaasoq.

- Nammineq puussanik peqarneq

Pisiniaq nammineq puussaminik nassarluni pisiniartalersinnaasoq siunnersuutigineqartut ilagaat, plastikimik puussianik atuinani nammineq puussanik nassarluni niivertarfinnut pisiniartalernissaq eqqunneqartariaqartoq isumaqartoqarpoq. Oqaatigineqattaarpoq ileqqulersimasoq allannngortinneqarsinnaasoq, tamanna qulequttani assigiinngitsuni taaneqattaarpoq.

- Pisiassat amerlasuut pooqartariaqanngitsut. Nammineq puussat nassarlugit Nioqqutissanik arlalinnik plastikimik poorneqartariaqanngitsunik

pisiniartoqartalersinnaasoq oqaatigineqarpoq, innuttaasut sungiussinnaagaat eqqartueqatigiit aamma isumaqarput, niivertarfiilli qanoq iliuuseqarsinnaaner at apeqqutaavoq, minnerpaamilli misilinneqartariaqarpoq. Anguniarneqarsinnaasullu ilagaat pisiniat namminneq puussaminnik nassarlutik nioqqutissanik, ingammik inuussutissanik pisiniartalernissaat misilinneqartariaqartoq.

- Niuertutut – kilo-nngorlugu tuniniaaneq, niuveriaaseq allanngorlugu
Pisiniaq nioqqutissanik uttortakkanik piniarnissaminut periarfissinneqarsinnaasariaqarpoq, taamaaliorneq misilinneqarsinnaasariaqarpoq, nioqqutissanimmi tuniniaasartut iliuuseqarsinnaasariaqarput, ileqqoriinnaligaq allanngorlugu. Oqatigineqaqqippoq niivertarfiit iliuuserinninniarnerat kisimi utaqqisaaginnalersoq.

- imerfiit

Imerfiit assigiinngitsorpassuit plastikkinik sanaat erngerluni atorunnaarsinneqarsinnaapput, ullutsinni takussaalerput pappialanik sanaanik imerfinnik tuniniaasoqartalersoq, soorlu Brugsen Nuuk allallu imerfinnik pappialanik sanaanik kaffinik, the-nik, saftinillu pooqartitsisalersut takussaagaluttuinnarmat.

- Imit tuniniarneqassapat? – Atuisut eqeersimaartut

Kalaallit Nunaanni pinngortitap imermik pilersuina annertummat, innuttaasunit suliffeqarfinniillu nunatsinni erngup atorluarnissaa qaarmassaassutigineqarnerusariaqarpoq, tamannalu erngertumik anguneqarsinnaasoq atuisartut eqeersimaarnerisigut, oqallittunit assersuutigineqaqattaarpoq, pisiniarfinni pisiarineqarsinnaasut imit plastikkinik puukkat Frankrigimiit, sooq taamaatoqarnersoq apeqqutigineqarpoq.

- Aalisartut - inuussutissarsiortut – Aalisariussuit piumaffigalugit eqqakkanut inissaqartinnissaat, akileraarutitigut akiutissanngikkaanni. Immap naqqani saliineq

Eqqakkanik katersisarneq suliffeqarfinni, soorlu inuussutissarsiortuni nunami kiisalu immami inuussutissarsiortut eqqakkaminnik pitsaanerumik isumaginnissinnaasariaqartut isumaqartoqarpoq, ullumikkornit suli pitsaaneruinnaasoq oqaatigineqarluni. Eqqakkanik tamaaniinnaq igitsisarnerup atorunnaarsivinneqarnissaa (inerteqqutinngornissaa) siunniuteqquneqarpoq. Inuussutissarsiortut suulluunniit/kikkulluunniit piumaffigineqarsinnaasariaqarput, tassami tamaangaannaq eqqaasarnerup takutimmagu eqqakkat akornaniinnerpaasartut plastikkit. Eqqakkanik pitsaanerumik iliuuseqarsinnaaneq akileraarutitigut akiliisitsinikkut ilaatigut pitsaanerumut saatinniarneqarsinnaasoq aamma siunnersuutigineqarluni. Aalisariutit il.il. immamut igitsiinnartarnerat aamma iliuuseqarfineqartariaqarpoq, nerrivikkaarluni suleqatigiinni eqqartorneqarpoq qassutikorpassuit qaqqinneqanngisaannartut iliuuseqarfineqartariaqartoq, allaat pisussaaffittut aalajangersarneqartariaqartoq. (Nuummi qaluleriviup qalut Vonin qassutikunik aalisartunit pisisalerusullutik tusagassiorfinnut nalunaaruteqarput februarip arfernani).

- Qaamarsaaneq, meeqqat ilinniartillugit

Plastikkip Kalaallit Nunaanni ajornartorsiutaanera kikkunnut tamanut qaarmassaassutigineqarnissaa kissaatigineqarpoq, eqqartorneqartuni arlaleriarlugu taaneqartuni plastic pillugu ileqqulersuutaasartut allanngortinniarnissaat

qaarmassaassutigineqarsinnaasoq.

Meeqqat atuarfiini atuartitsissutit ilaannit plastikip ajornartorsiutaasarsinnaanera ilanngulluarneqarsinnaavoq, oqallittunnittaaq oqaatigineqattarpoq ileqquliussat iluaqutaanngitsut mumisinneqarsinnaasariaqartut, tamaannalu tamanik iliuuseqartarnerit pineqarlutik.

- Takoqqusaarutit

Takoqqusaarutit suullunniit plastikkip ajornartorsiutaanera pillugu erseqqissaassutigineqartariaqartoq siunnersuutigineqarpoq, tamanna qaarmarsaanermut iluaqutissanngorlugu, isumaqartoqarpoq piaartumik aallartittoqarsinnaasoq, pisortaniillu kissaatigineqapallattariaqartoq oqaatigineqarluni.

- Qanoq isiortariaqarpugut

Suleqatigiissitaliat, kattuffiit, suliniaqatigiiffiit, innuttaasut iliuuseqarlutik, qanoq iliornissamik oqallinnikkut iliuuseqarnissaq angulertorneqarsinnaavoq.

- Kilisaatit eqqagassaataat oqimaalutarlugit. Qanoq annertutigisoq utertarnerisq malinnaaffigalugu

Siunnersuutigineqarpoq umiarsuit/kilisaatit eqqagassaataat oqimaalutarlugit nunamut utertinneqartariaqartut, taamaasilluni eqqakkat aqqqissuussaanagerusumik iliuuseqarfigineqarsinnaanerat anuneqarsinnaammat. Oqimaalutaasarnissamik oqarneq qanorpiaq isumaqarnerisq erseqqissarneqanngilaq.

- Tusagassiorlutit aqqutigalugit avammut ingerlatitsinerit, kattuffiit peqataatillugit

Nunatsinni tusagassiorfiit plastikkip ajornartorsiutaanera pillugu suli annertunerusumik eqqartorneqartariaqartoq, tassanilu eqqarsaatigineqarput tusagassiorfiit atorluarneqarsinnaasut, tusagassiorlutit kiffaanngissuseqarlutik tamassuminnga sammisaqarsinnaasut oqaatigineqarpoq, suleqatigisinnaasat suullunniit plastic pillugu suliaqartoqarsinnaasoq, isumaqartoqarpoq Kalaallit Nunaanni Kattuffiit pisussaaffeqarlutik suliniarnissami sallerysaasariaqartut.

- Eqqaaveqarfiit suleqatigalugit, eqqagassat immikkoortinneqarnissaat, umiarsuit useqarpiaratit utertartut, apuuffissaanut apuutsinneqarsinnaanngorlugit

Eqqaaveqarfiit/Eqqagassalerisut suleqatigalugit iliuuseqarnissaq isumassarsiatsilaavoq, taakkumi ilisimasaat atorluarneqartariaqarput, Nerrivikkaarluni suleqatigiinnermi peqataasut nunanni allani angerlarsimaffinni eqqakkanik immikkoortitserisarneq eqqartoqattaarfaat, nunatsinnilu aamma taamaaliortoqarsinnaasoq oqartoqartarluni, eqqagassat immikkut iliuuseqarfigisassat umiarsuit atorluarneqarsinnapput, umiarsuit nunatsinnut nassatatik nioreeraangamikkit, utertarput imaqarpiaratik, tamannalu pisortat iliuuseqarneratigut paasiniarneqarsinnaavoq.

- Aalisarneq – eqqakkatik katersortariaqarfaat akitsuusersortariaqassapput taamaaliunngippata – saliineq inuiaqatigiit naggataanni akilertussaammassuk (Qulaani allaaserisq takuuk; - Aalisartut - inuussutissarsiorlutit – Aalisariussut

piumaffigalugit eqqakkanut inissaqartinnissaat, akileraarutigut akiutissanngikkaanni.

- **Qaarmassaaneq**

(Qulaani allaaserisat takukkit)

- **Eqqaaveqarneq: immikkoortitserinerit, nunaqarfiit/illoqarfiit iluamik tamarmik eqqaaveqartariaqarput**

Qulaani allaaserisat aamma takukkit. Kalaallit Nunaanni sumiiffinni tamani aaqqissuussaanagerusumik iliuuseqarfiginissaat piffissanngortoq oqaatigineqarpoq. Eqqaaveqarnermut akisusaasut kisiisa naatsorsuutigiinnarnagit sumiiffinni inuit namminneq isumassarsillutik iliuuseqarsinnaanerat misilitassat ilagaat, pisortat utaqqiinnarnagit nammineq iliuuseqarsinnaanerat ugartorneqarpoq. Eqqagassanik immikkoortitserisalnissaq piaartumik eqqunneqartariaqartoq isumaqartoqarpoq, pisortat kisiisa isumalluutiginiarpallaarnerani takuneqarsinnaavoq eqqaaveqarneq/ikuallaaveqarneq suli kinguarsimangaatsiartoq, taamaammat nammineq iliuuseqarsinnaaneq misilinneqartariaqartoq. Periarfissat ilaattut taaneqarpoq eqqakkanik katersilluni, eqqakkallu angallallugit ikuallaavimmut ingerlateqqinneqarsinnaasut.

- **Eqqaavik katersuiffissaq nunatta qeqqani**

Kalaallit Nunaanni eqqakkanik nassiussilluni ikuallaavissuarnut ingerlateqqinneqarsinnaaneriisa periarfissatut ammaanneqassappat, ikuallaavissuaq/ikuallaavissuit Kalaallit Nunaata qeqqanut inissillugit sanaartorneqarsinnasut siunnersuutigineqarpoq, maannakkullu ikuallaaviit pioreersut kisiisa naatsorsuutigineqarsinnaanginneri erseqqissaatigineqarluni, soorlu Nuummi ikuallaavik nunatsinni annersaasoq kisimi naatsorsuutigineqarsinnaanngitsoq.

- **Atoqqitassanut iluarsaaqqiiviit pilersillugit – Etablering af genbrugsværksteder**

Plastikki kisimi ajornartorsiutitut eqqarsaatigiinnarnagu, atortut suulluunniit iluarsarneqarsinnaasut iluarsaassivissaanik pilersitsisinnaaneq ammaanneqartariaqartoq siunnersuutigineqarpoq, soorlu pequtit atisalluunniit iluarsaassiffissaanik peqartoqartariaqarnera pissusissamisuginnartutut isigineqarpoq.

- **Plastikkip atoqqinnissaanut suliffeqarfik**

Qulaani allaaserisat aamma takukkit. Plastikkinik eqqaaginnarani plastikkit pillugit suliffeqarfimmik pilersitsisoqarnissaa kissaatigineqarpoq, tunngavilersuutigineqarluni igitsisarnermik ileqquliunneqaannartartut atorunnaarlugit nutaaliorqarnissaa siunnersuutigineqarpoq.

- **Pissutsinut uterneq – kinguariarnerunngilaq**

Qangaanerusoq plastikki atorneqanngikkallarmat iliuusiusartut ullumikkut iluatinnaatillit atuutileqqinneqarsinnaaneri pitsaalluinnassasut qularutigineqanngilaq, qulequtaq oqallissutigineqarmat amerlanertigut ileqqunnguussimasut allannortinnissaat oqallisigineqarneruvoq.

Suliffeqarfiit - Erhverv

- **Aalisartut atortunik utertitsisarsinnaanerit - nalilersuinertaalu**
Eqqarsaatigineqartoq tassaavoq pingaartumik aalisartut qassutiminnik allanillu igiinnartakkaminnik utertitsisalersinnaanerannut tunngasoq. Utertitsisalernikkut aalajangersimasumik, soorlu aningaasannassutaasinnaasumik (pant) aaqqissuusinnaaneq misissuiffigisariaqartoq siunnersuutigineqarpoq.

- **Sassuma arnaa - ileqqutoqqat qaarmassaanermi atorineqarsinnaapput**
Oqaluttuaatitoqqatsinni siunertat pitsaalluinnartut atorluarnissaat iluatinnartuusoq taaneqarpoq, assersuutitut taaneqarluni takornarianik illoqarfimmi angallassinermi taaneqartarmat piniagassat amerlasuut periarfissaalissammata sassuma arnaa illersortariaqarmat tamaangaannaq igitsinaveersaarnissaq eqqarsaatigisaqqullugu. (Angakkup sassuma arnaa ornittaramiuk nujai tukattut illaariartorlugit, illaareeraangamigillu piniagassarpasuit qaffakaalersartut). Meeqqat atuarfianni, ilinniarfinni annerusuni, qaffasinnerusumilu ilinniarfinni oqaluttuatooq sakkugineqarluarsinnaasoq oqaatigineqarpoq, soorlu atuartitsissutit ilaanni eqqunneqarsinnaalluni.

- **Plastikkimik atoqqiisinnaaneq, atoqqitassat**
Qulaani allaaserisat assigiinngitsut takukkit, qulequttamut tassunga tunngasut!

- **Qangaaniilli atukkagut uterfigisinnaavagut**
Qulaani allaaserisat takuuk!

- **Plastikkimik atoqqiffiusinnaasumik suliffeqarfiliorneq**
Qulaani allaaserisat takuuk!

- **Plastik anartarfinnut atorineqartut unitsinniarunikku naalackersuisut kommunillu piunaffigineqassapput**
Kommunit naalackersuisullu suleqatigiillutik iliuuseqarnissaat ujartorneqarpoq!

- **Plastik puussiat anartarfinni misiliisoqarpoq, aput atorluarneqarsinnaavoq**
Qulequtaq qulequtaliunneqarpoq ilisimaneqarmat nunatsinni anartarfiit igittakkat suli atuutsinneqaramik, assersuutitut taakkartorneqarpoq, Kommuneqarfik Sermersooq anartarfiit puussiaat pillugit misileraammata, misileraaneq iluatigineqarpoq, misileraanerlu naammassippat nunarput tamakkerlugu atorluarneqarsinnanera oqaatigineqarpoq. Qanorpiaq misileraasoqarnersoq paasiniartariaqarpoq.

Imaq - Hav

- Pinngortitaq paaralugu

Quliquataliunneqartoq immini oqariartuutilik iliuusissanik assigiinngitsunik iliuuseqarfiusinnaasoq

- Aalisartut atortunik utertitsisarsinnaanerat - nalilersuinertaalu

Eqqarsaatigineqartoq tassaavoq pingaartumik aalisartut qassutiminnik allanillu igiinnartakkaminnik utertitsisalersinnaanerannut tunngasoq. Utertitsisalernikkut aalajangersimasumik, soorlu aningaasannassutaasinnaasumik (pant) aaqqissuusinnaaneq misissuiffigisariaqartoq siunnersuutigineqarpoq.

- Imigassat qillertuusat – qanoq?

Imigassat suulluunniit qillertuusaniittut puukuusa utertinneqarsinnaannginnerat iliuuseqarfigineqartariaqarpoq. Puukunik akililaarlugit (pant) utertitsisarnermik suliaqartut eqqarsaatigisariaqalerpaat qillertuusat utertittalernissaat.

- Ileqqut allanngortittariaqarput – Adfærd

Qulaani allaaserisat takukkit!

- Atuarfiit – meeqgeriviit

Nalinginnaasumik mingutsitsisarneq aammalumi avatangiisinik eqqiluutsuutitsinissamik meeqqanut paasititsiniaasarnissat ilinniusiornissallu pineqarput. Tassani meeqqat akisussaatinnaversaarnissat pingaartittariaqartoq erseqqissarneqarpoq - inersimasut inuimmi tamatta aamma sakkortunerusumik akisussaaqataanerrannik ilisimatinneqartariaqarnerat paasititsiniaaffigineqarnerallu pingaaruteqartoq oqaatigineqarpoq.

- Nioqqutissanik eqqussuineq - Importører - Brugsen – Pisiffik – Pilersuisoq il.il.

Nioqqutissanik tikisitsisartut plastikkip ajornartorsiutaanera pillugu iliuuseqaaqataanissaat ujartorneqarpoq, eqqaaneqarpoq naalakkersuisut iliuuseqarnissaanni nioqqutissanik tikisitsisartut ilanngullugit eqqaasittariaqartut iliuuseqarnissaat siunertaralugu.

- Meeqqanut paasiuminartumik atuakkiorluni

Plastikkip ajornartorsiutaanera pillugu atuakkiornikkut takussutissiinissaq inassutigineqarpoq, ingammik meeqqanut tulluuttunik atuakkiornissaq pingaartutut isigineqarluni.

- Tusarniaasarnerit peqataatinneqarnissamillu kissaateqarneq

Naalakkersuisut tusarniaasaarneranni tusarniarfigineqartartut akissutaasa naalakkersuisunit tusarniakkat pillugit ilanngunneqartannginneri uparuarneqarpoq,

kissaatigineqarluni tusarniarfigisat akissutigisartagaat iluatinnaatillit ilaatigut atorneqartariaqaraluartut, oqallittut ilaannit oqaatigineqarluni tusarniarfigineqartartut arlallit maalaaruteqartartut.

- Umiarsuit takornarianik angallassisartut assigiinnigitsutigut mingutsitsisarnerat iliuuseqarfigineqartariaqarpoq. Imip atoriikkat tamaangaannaq iginneqartarnera, eqqagassat annertuut/amerlasuut, ikummatissaq kimittooq piuminaatsoq.

*- Qassutikut suulluunniit atoreernikut qimaannarnagit/igiinnarnagit utertillugit utertitsisoq aningaasanik akilerneqartalernissaa kissaagineqarpoq.
(Qulaani aallaaserisap assinga takuuk)*

- Mingutsitsineq pillugu tusarniaanerni akissut tamanut saqqummersittarnissaat Tusarniakkat akissutaasa kikkunnit tamanit ammasumik takuneqarsinnaalertariaqartut kissaatigineqarpoq, paasinarsiartormat naalakkersuisut tusarniakkami akissutaat atortanngikkaat. Tusarniaanermi akissutit nittartakkatigut takuneqarsinnaalertariaqartut taamaaqataanillu tusarniaanermi akissutit suulluunniit tamanit takuneqarsinnaalersinneqartariaqartut kissaatigineqarpoq. Inatsisartut ilaasortaat tamassuminnga ilisimatittariaqartut oqallittut kissaatigaat.

- Fiskeriselskaberne

Plastikkip nunatsinni ajornartorsiutaanera pillugu aalisartitseqatigiiffiit ilisimalluinnartariaqarpaat, iliuuseqarnissaminnullu piareersalereertariaqartut kissaataavoq.

Pinngortitaq paaralugu

- 2030-ip tungaanut

Ukioq 2030-mut siumut periusissamik pilersarusiortoqarnissaa kissaatigineqarpoq, naalakkersuisut plastik pillugu periusissiassamut atatillugu ukioq 2030-mut pilersarusiussasut kissaatigineqarpoq, ilaatigut oqartoqarpoq inuit ileqquisa allannqortinniarnernanut atatillugu periusissiortoqartariaqartoq. Taamaaqataanillu puiaasat suulluunniit utertinneqarsinnaalernissaat 2030-mi anguneqariissasoq siunnersuutigineqarpoq.